



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-1-40-041-4/23**
Datum: **06.03.2023. godine**

„Agencija za vodno područje rijeke Save“ Sarajevo rješavajući po zahtjevu „KORPORACIJA“ d.o.o. Bosanski Petrovac za izdavanje prethodne vodne saglasnosti za ispuštanje otpadnih voda sa lokacije planiranog proizvodnog objekta za obradu drveta – pilansko postrojenje, na lokalitetu naselja Kolunić, Općina Bosanski Petrovac, na osnovu člana 139. stav (1) tačka 3. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Daje se prethodna vodna saglasnost Investitoru „KORPORACIJA“ d.o.o. Bosanski Petrovac za ispuštanje otpadnih voda sa lokacije planiranog proizvodnog objekta za obradu drveta – pilansko postrojenje, na lokalitetu naselja Kolunić, Općina Bosanski Petrovac.
2. Prethodna vodna saglasnost daje se u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za korištenje vode i ispuštanje sanitarno-fekalnih voda za čije izdavanje je nadležno kantonalno ministarstvo nadležno za vode, u skladu sa članom 139. stav 2. tačka (1). i (2). Zakona o vodama („Službene novine Federacije BiH“, broj 70/06) kao i saglasnosti i dozvola od strane drugih nadležnih organa u skladu sa drugim Zakonima.
4. Prethodna vodna saglasnost se daje na osnovu pregleda dostavljene dokumentacije i pod slijedećim uslovima:
 - 4.1. Da Investitor izradi projektnu dokumentaciju vanjskog uređenja sa tehničkim rješenjem separatnog sistema za prikupljanje, tretman i ispuštanje otpadnih voda sa lokacije predmetnog poslovnog objekta sa pratećim sadržajima sa definisanjem krajnjeg recipijenta prečišćenih otpadnih voda, na nivou Glavnog projekta. Projektna dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (Lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12).

Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22) koja su bitna za konkretan slučaj, a naročito:

- Proračun potrebnih količina voda za predmetni objekat;
- Osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka);
- Proračun kvantitativnih i kvalitativnih karakteristika otpadnih voda iz predmetnog objekata, pratećih objekata, saobraćajnih, parking i manipulativnih površina;
- Tehničko rješenje sistema za prikupljanje, prečišćavanje i ispuštanje prečišćenih otpadnih voda sa predmetne lokacije sa potrebnim proračunima i tehničkim opisom;
- Tehničko rješenje za monitoring i način monitoringa zahvaćenih i ispuštenih otpadnih voda;
- Sagledati mogućnost nastajanja neželjenih uticaja na režim voda ili uticaja režima voda na stanovništvo, objekte, radove, stečena prava korisnika, postojeću infrastrukturu, naselja i okolinu, sa prijedlogom mjera sa sprečavanjem istih;

- Da se projektnom dokumentacijom, u skladu sa zakonskim propisima definiše način privremenog pa sve do konačnog zbrinjavanja mulja iz uređaja za prečišćavanje tehnoloških otpadnih voda;
 - Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
- 4.2. Usvojenim sistemom prečišćavanja otpadne voda (ukoliko će ista nastajati u planiranom tehnološkom procesu) treba se obezbijediti da prečišćene vode, prije ispuštanja u recipijent zadovolje granične vrijednosti emisije definisane sa članom 21. Stav (2) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20).
- 4.3. Lokacija predmetnog objekta treba da bude usklađena ostalom infrastrukturom (elektro, vodovod, telefon i sl.), a za sve eventualne kolizije i ukrštanja sa istom, treba se pribaviti saglasnost vlasnika infrastrukturnih objekata ili organizacijom koja njima upravlja.
- 4.4. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
5. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivima ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
6. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „KORPORACIJA” d.o.o. Bosanski Petrovac, se službenim zahtjevom dana 03.02.2023. obratilo ovoj Agenciji, za izdavanje prethodne vodne saglasnosti za ispuštanje otpadnih voda u postupku promjene namjene skladišnog prostora u proizvodni pogon – pilansko postrojenje, na lokalitetu u naselju Kolunić, Općina Bosanski Petrovac.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka u sudskom registru, broj: 017-0-Reg-22-000305, izdatog dana 27.04.2022. godine od strane Općinskog suda u Bihaću;
- Kopija uplatnice upravne pristojbe;
- Ovjerena kopija Uvjerjenja o registraciji / upisu u Jedinstveni registar obveznika indirektnih poreza, izdatog od strane Uprave za indirektno-neizravno oporezivanje Banjaluka, dana 19.10.2022. godine pod brojem 04/1-17-1-UPJR/1-6829-2/22;
- Ovjerena kopija Uvjerjenja o poreznoj registraciji, izdatog od strane Federalnog ministarstva finansija – Porezne uprave – Kantonalnog poreznog ureda BIHAĆ, dana 10.11.2015. godine;
- Mišljenje nadležne Službe za prostorno uređenje, katastar i imovinsko-pravne poslove Općine Bosanski Petrovac, izdato pod brojem: 04-27-309-2/23 dana 09.02.2023. godine;
- Kopija Rješenja kojim se daje urbanistička saglasnost investitoru „Korporacija” doo Bosanski Petrovac, izdana od strane Općine Bosanski Petrovac pod brojem: 04-19-5510-UP-1/22 dana 15.11.2022. godine;

- „Studija za izdavanje prethodne vodne saglasnosti za objekat proizvodne hale za primarnu preradu drveta“ u naselju Kolunić, Bosanski Petrovac, urađena od strane ovlaštenog pravnog lica „EUROING“ doo Bihać, pod brojem SPVS 01-01/23, januara 2023. godine, u Bihaću;
- Kopija katastarskog plana od 01.02.2023. godine izdata od strane Općinske geodetske uprave Bosanski Petrovac;
- Ovjerena kopija posjedovnog lista broj 622 izdatog od strane Službe za prostorno uređenje, katastar i imovinsko – pravne poslove Općine Bosanski Petrovac pod brojem: UP 04-27-1076/22-2 dana 14.11.2022. godine;
- Uvjerjenje Općinskog organa Bosanski Petrovac da je gruntovnica tj spisi ZK izvadaka uništeni u toku drugog svjetskog rata i da nije nikad obnovljena, izdato pod brojem 04-27-308-2/23 dana 09.02.2023. godine;
- Ovjerena kopija notarskog ugovora o prenosu udjela uz naknadu, između Danijele Husetić i pravnog lica „PEAK FOREST“ doo Glamoč, sastavljen od strane notara Borislava Radića u Banja Luci dana 13.04.2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav 1. Zakona o vodama («Službene novine Federacije BiH», broj 70/06) o zahtjevu je dana 23.02.2023. godine obaviještena javnost putem obavještenja na oglasnim pločama «Agencije za vodno područje rijeke Save» u Sarajevu i Ureda u Bihaću, te dana 24.02.2023. godine u dnevnom glasilu «OSLOBOĐENJE». U ostavljenom roku nije bilo pisanih izjašnjenja o predloženim aktivnostima iz zahtjeva.

Na osnovu utvrđenog činjeničnog stanja, a shodno članu 139. stav (1) tačka 3., a u vezi sa članom 111. Zakona o vodama, konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, kao Investitoru, ne izda tražena prethodna vodna saglasnost, pa je donešeno rješenje kao u dispozitivu ovog Rješenja.

Uslovi za izdavanje vodne saglasnosti definisani su u tački 4. dispozitiva rješenja i isti trebaju biti obrađeni u investiciono-tehničkoj dokumentaciji, koju će Investitor dostaviti uz zahtjev i drugu potrebnu dokumentaciju za donošenje rješenja o vodnoj saglasnosti, shodno članu 114. Zakona o vodama.

Podnosilac zahtjeva je uplatio upravnu taksu u iznosu od 80,00 KM u skladu sa članom 7. stav 1. tarifni broj 43. Zakona o federalnim upravnim taksama («Službene novine F BiH», broj 6/98), te troškove oglašavanja u iznosu 188,37 KM u printanom mediju na nivou BiH.

UPUTA O PRAVNOM LIJEKU

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Mujagić Fuad dipl.inž.

Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- „KORPORACIJA“ d.o.o. Drvarska bb, 77 250 Bosanski Petrovac,
- AVP Sava – ISV - Vodna knjiga
- ☒ Sektor 40 – Arhiva
- Oglasna ploča AVP - Sava